



## 林彭榮 先生

客家語 / 短篇小說類 / 社會組

得獎作品 /

拆股

### 【得獎感言】

有心打石石成磚，無心打井井無泉。

當歡喜得著閩客文學獎，感謝評審先生个肯定。

會講客家話个人無多，看得識客語文个人還較少，客語文創作係一條孤栖个路，好得教育部自2008年來，兩年舉辦一擺母語文學寫作比賽，分客語文有發表个機會。

客語係弱勢語言，客語个傳承發揚，每一個客家人都有責任，特別係客家个公部門愛帶頭來做。前駁仔客家電視臺敲鑼打鼓宣傳，三月初二起勢，逐禮拜三、四暗晡頭十點，客家電視臺播出熱門日劇「半澤直樹」客語配音版，並頭次搭配客語字幕播出，提供民眾多一隻自學客語个資源。客家電視臺在2003年七月初一開播，係專屬客家、全程使用客語發音个電視頻道，經營十九年个客家電視臺，總算製作出有客語字幕个節目。

語言文字係文化个載體，佢俚客語有字，希望客家个傳播媒體都講客語，都用客語字幕，作家江嵐識講過：「借別人个身體裝毋落自家个靈魂，毋好總係借別人个嘴講自家个心事。」

客家加油！

## 拆股

「阿豐牯，今晡日仰恁好，恁早就放棄？」

臨晝仔阿蘭早餐賣忒在店仔撿摯，拿等菜瓜布在水槽摻鑊仔搓到鏗鏗哐哐響，佢身胚矮頓矮頓，戴一頂廣告帽，繫咖啡色圍身裙，看著老弟擺等一隻袋仔抵等嘴無聲無說行入店肚，阿蘭笑咪咪仔摻佢打招呼。

「嗯！放棄了。」

阿豐半慙不尬應一聲，行落店肚用手巴掌忒額頭个汗水，佢著一身淺色做事衫，高溜高溜仔，目角有幾條皺紋，佢啟一口大氣摻袋仔放在桌頂，在四角桌下拉出一張圓凳仔坐下來。

阿蘭摻洗好个鑊仔、砧枋放到架頂，兩支手在架下个桌布幫啊幫仔，解下圍身裙，對阿豐笑講：「自家做頭家異好哦！想棄就棄。」佢打開冰箱拿出兩杯冰豆乳放在四角桌頂，又落去灶下兜幾樣仔菜出來：一鑊爇肉、一盤苦瓜炒魚脯仔、一盤番薯葉，還有一碗公菜瓜湯，笑弛弛仔講：「佢朝晨無閒到這下還吉食，偲俚共下來食晝。」

阿豐嘍幾口仔豆乳，氣凹凹仔搖幾下手，「阿姊，毋使麻煩啦！偲食便當就好。」佢摻啉過个豆乳放轉桌頂，打開袋仔拿出便當。

「你逐日食便當乜毋係辦法，營養毋罇，工廠恁近，不管係晝係暗過來食飯，毋使同阿姊客氣！」阿蘭講等行到轉角摻天篷个吊扇拘昇轉，添一碗飯在阿豐對面坐下來，拿起筷仔挾兩坵爇肉分阿豐。

阿豐頭磬磬仔儘採划幾口飯，啉半碗菜瓜湯，就摻便當收起來，佢啟一口大氣，轉下身腳肱肱坐毋像坐，軟怠怠仔甕在壁頂。阿蘭看著阿豐憑等壁失神失神，心肚暗想敢有麼个事情？往擺阿豐來店頂都異有話講，今晡日嘎恬恬無麼个愛講話，佢關心个問講：

「恁久紙箱工廠生理仰仔？」

「還做得啦！」

「看你面憂面結，有麼个事情係無？」

「哈——」阿豐啟一口長長個大氣，看等天篷挨挨轉個電扇，一支手在面頰掌啊掌仔，「唉！這愛仰仔講？」

「仰仔呢？」阿蘭挾一挾番薯葉傍飯，眼角睇一下阿豐，耳角角仔愛聽佢講，到底發生麼个事情。

店肚恬肅肅，路口个機車朗叔叔仔，突然間，阿豐翻轉身坐啊起來，面擲擲仔講：「就乜係——朝晨撈阿雄、阿亮仔惹著地！」

「吓！」阿蘭兜等飯碗嘴擘擘仔看等阿豐，毋敢相信佢兜會打逆面，佢吞一下口涎講：「仰會恁樣？一個係好朋友，一個係叔伯老弟，你三儕都係頭家，有麼个好吵呢？」

「阿雄、阿亮講愛退股，佢兩儕愛另外開紙箱工廠。」

「這兩年毋係做等好好嘍？」阿蘭放下碗筷，在桌頂抽兩張衛生紙擗嘴，「仰愛拆股呢？」

「阿雄講俵坐辦公室，冷氣吹等涼涼撈會計小姐有講有笑，佢走業務愛駛車又愛送貨，恅到會死錢無較多，佢撈阿亮愛退股，另外開紙箱工廠自家做頭家。」

「唉哦！仰會恁樣？當初你三儕鬥股撈紙箱工廠頂下來，毋係講好嘍！三儕分工，你做總務坐辦公室，阿亮仔在現場管理，阿雄負責業務順續送貨，這下仰會講你在辦公室坐等涼涼撈會計小姐有講有笑。」阿蘭面色嚴肅，翻頭看一下店門口，門口無人，佢頭那探前低聲問阿豐：「你撈會計有仰仔係無？」

「無哪！」阿豐頭那擲啊起來趕緊應講無該種事情，氣嘍氣鼓講：「辦公室就在工廠裡肚，全部係光光个玻璃，辦公个情形大家都看現現，明明就無恁樣个事情，阿雄緊去講俵坐等涼涼撈會計打眼拐，根本就係亂講，正經會譴死人！」

「該無影無跡，仰做得儘採講，實在哦！」

「主要係阿雄个主意，聽厥意思怕計畫異久，今晡日正爆出來。」

「該阿亮仔有講麼个無？」

「阿亮仔無講麼个，看厥表情就知，佢同阿雄共國。」



「仰恁樣嘢！自家叔伯兄弟無搵手，向等別人來搵自家人。」

「哈！」阿豐故一口大氣，頭那搖啊搖仔，「會知佢仰仔想？」

「背尾講到仰仔？」

「無辦法啊！佢兩儕愛退股，股金就退還佢啊！」阿豐冷笑一下，兩支手交在胸前弓等嘴角齧等牙根，一股怨氣對牙縫噴出來，「偈今晡日正知，阿雄該隻孤盲頭，早就租好工廠買便機器，還放風聲講愛膠吾工廠拚畀橫！」

「該恁樣，無愛膠人鬥股，自家做也好啦！」

「這偈知啦！」阿豐个聲調一下拉高起來，停一下仔又闕掉掉仔講：「問題係阿雄負責業務，客戶全在厥手項，偈做總務無插業務事情，工廠無訂單就做毋下去，想想仔算了，將就膠工廠頂分人，自家來去尋過頭路好了！」

「工廠頂分人？」阿蘭無想著阿豐有這種想法，總感覺哪位毋妥當，一下又想毋出來，「欸——恁樣頂分人敢好？你愛考慮清楚哦！」

食飽晝，阿豐恬恬仔行轉工廠，阿蘭看著老弟離開个背影，心肝頭搵搵當毋盼得。當初阿豐退伍對莊下上來新莊尋頭路，暫時戴厥屋下，佢介紹佢去就近仔个紙箱工廠上班，阿豐怕驚麻煩阿姊，尋著頭路就搬出去戴。第二年，阿亮仔退伍上來新莊尋頭路，佢共樣介紹佢去紙箱工廠，阿亮仔無搬出去，繼續戴厥屋下，阿蘭照顧這叔伯老弟就像親老弟樣仔，逐日飯餐準備好好，衫褲膠佢洗便便，記得有一暗晡，隔壁个阿雪去夜市遶奈轉來，看著佢在廊下洗一大盆衫褲，問講：

「唉哦！頭下毋係洗好咗嘍？佢還有一大盆呢？」

「係吾叔伯老弟个衫褲啦！」

「佢毋係下班了嘍？恁大人咗，仰無自家洗？」

「無啦！偈想自家个衫褲洗好咗，就順續膠佢洗一下，一下手定。」

「你這個阿姊嘢！還好心哪！」

「以前吾叔對佢兜異好，吾叔過身了，這叔伯老弟佢做得到就盡量！下擺佢係有出息，會牽成吾俾仔乜無一定？」

阿蘭想：佢對這叔伯老弟毋會毋好，飯餐無跌忒，衫褲洗便便，屋下有好食个東西，一定喊共下來食。以前有朋友送一袋蘋果，佢喊阿亮仔拿蘋果去食，阿亮仔在細人仔面前擇一隻最大隻个蘋果，緊食還緊講佢拿一隻最細隻个就好，細人仔佢看佢，佢看佢，看到嘴擘擘仔，阿蘭笑笑仔無講麼个。有時阿亮仔个行為乜分人想毋解，有一擺阿亮仔在外背轉來，手腋下夾等一領面衫，行過廳下膠佢相堵頭，無聲無氣就鑽入間肚，恁堵好面衫因等歸袋个杌仔在衫縫走出來，佢乜笑笑仔詐毋知。阿亮仔戴廠屋下一、兩年，異多微毛末節个事情，佢毋識膠人多講，這擺阿亮仔膠阿雄扛等來搵阿豐，佢實在恁毋解，自家對阿亮仔恁好，阿亮仔佢會恁樣對阿豐？

暗晡時頭，彎彎个眉月掛天頂，街路燒燒燥燥仔，阿蘭行在路項並毋知熱，心肚總試著清冷清冷，佢愛去問阿亮仔工廠到底發生麼个事情，好好个頭路舞到鬢棚棚，阿蘭幹入巷仔來到阿亮仔个住所，敲一下大氣，伸手掀下門鈴。

叮咚叮咚！

「麼人？」啪啪啪—屋肚傳來腳步聲，鐵門打開，阿亮仔舖娘秀春探出頭看著阿蘭，笑咪咪仔講：「阿蘭姊恁煞猛，落來坐啊！」

「食飽冇？」阿蘭笑笑仔在門口換一雙拖鞋入去。

阿亮仔在廳下看電視，聽著阿蘭个聲音，趕緊企踎起來打招呼：「阿姊來坐啊！佢兜正食啊飽，阿姊食飽冇？」

「佢食飽了！」阿蘭行到廳下看啊看仔，在脣頭个膨凳坐下來，「想著異久無來寮，就過來行行仔。」

「係啊！」秀春兜一杯茶過來，放在阿蘭面前个矮桌頂，「阿姊食茶啦，有閒就過來坐寮啊！」

阿蘭啣一口茶，翻轉頭對阿亮仔講：「係恁樣啦！阿亮仔，佢愛問你工廠个事情，你同阿雄愛膠阿豐拆股係無？」

「嗯！」阿亮仔頷下頭。

「你三儕鬥等好好仰愛拆股呢？」

「欸——」阿亮仔面撒開毋敢看阿蘭，半尷不尬掌等面頰，「這愛仰仔講？」

「你摻佢講毋怕！係毋係會計個問題？」

「這佢毋知！佢無看著乜毋清楚，拆股主要係阿雄個意思。」

「佢麼個意思？做麼個愛拆股？」

「阿雄想愛坐辦公室做大頭家。」

「該你仰愛摻阿豐拆股呢？」

「無辦法啊！阿雄走業務，客戶訂單在厥手項，佢一開工廠，阿豐個紙箱工廠就無生理了！」

「故所你就跔阿雄過去係無？」

「嗯——」阿亮仔恬恬無講麼個，面色一陣紅一陣白。

阿蘭心想，三個好朋友鬥股做生理，一無合意講變就變，聽阿亮仔個意思，怕早就知阿雄個計畫，阿豐慧慧仔做毋知人愛搵佢，阿亮仔乜係，自家兄弟仔無講一聲就跔人走，舞到阿豐無結無煞。

轉屋個路項，雲層遮忒月光，矇矇個路燈恬恬仔照等街路，阿蘭心頭愁勞博激，惱起阿豐出世該下，阿姆無乳水又無錢買牛乳粉，喊佢搵米去店仔磨粝仔，摻磨好個粝漿砵過晒燥放在盞肚，愛飼阿豐時節就拿一坵粝砵煮綿，佢逐擺搵等阿豐飼佢食粝漿，細細隻個阿豐，細細仔個嘴緊吮粝漿個情景，到這下還清清楚楚，佢看等阿豐讀小學、讀國中、做兵、退伍做頭路到結婚，阿豐雖然毋好讀書，毋過做人條直，做事遽板，這老弟毋會批人，連戴在阿姊屋下都試著敗勢，唉！這慧老弟頭路做到恁樣，仰結煞正好？

十過日後，阿豐過來店項摻阿蘭講：

「阿姊，阿姊！有人愛頂工廠，天光日愛去代書該位簽約！」

聽著阿豐工廠愛頂分人，阿蘭心頭無安無樂，總試著哪位毋妥當？半夜，佢睡在眠床環去環轉睡毋落覺，冰箱哩哩囉囉个聲響，聽起來特別大聲，冷氣機像壞忒樣仔，仰般吹就毋會冷，心肚掛吊老弟个頭路，想起自家結婚後摻老公來新莊食頭路，做日做夜長兜仔錢，買一臺中古个貨車在工廠門口賣點心，兩公婆煞猛打拚十過年，正在巷口買著一細間店面賣早餐，阿豐這下會四十歲咗，有舖娘子女愛畜，自家又冇屋舍，兩個細人仔還恁細，當當愛使錢个時節，若係摻工廠頂分人，會四十歲个人愛去哪尋頭路？唉！摻人鬥股个生理難做，自家無好主意，大家係無同心做頭路，早慢會散忒，阿豐也無後生了，中年人頭路難尋，尋無頭路生活愛仰般過？阿豐講天光日愛去簽約，紙箱工廠頂分人，好抑毋好？想著就頭那痛，仰結煞正好？

第二日天矇光，阿蘭摻早餐店交分老公料理，佢三步做兩步帶行帶走，走過去阿豐个住所。

咚咚咚——咚咚咚——

阿蘭緊拍鐵門緊喊：「阿豐牯，阿豐牯！」

「阿姊恁會早，落來坐啊！」阿豐著等底衫仔目摸目罅打開鐵門。

「無閒好坐哦！」阿蘭走到氣扯氣急，故等大氣講：「佢話講忒跔等愛轉去做生理，若姊丈一儕人掌店做毋來，佢問你，哪下仔愛去簽約？」

「摻對方約好，朝晨十點在徐代書該位簽約。」

「佢昨暗晡恁當久，環去環轉睡毋得，工廠毋好頂分人，自家來做，做有工錢就做得，若係頂分人去尋過頭路，你這下會四十歲个人，頭路無恁該尋，就算尋著來做，月給乜無幾多，你有舖娘子女愛畜，恁樣食人頭路毋係辦法，等下就打電話分代書，摻佢回忒去，工廠千萬毋好頂分人，拿著該一息仔錢，一下仔就使忒，聽阿姊个話，紙箱工廠自家做，毋好頂分人！」

阿豐摻阿雄、阿亮拆股過後，阿蘭有閒就過去阿豐工廠看啊，該日工廠就兩、三儕人做事，老弟心白阿玉戴等手落仔在倉庫搬紙伯仔，看著佢就放下手頂个事頭帶阿蘭去辦公室坐奈，阿玉面愁面結講：「阿豐朝晨出去送貨順續拜訪客戶，工廠無麼个生理，阿豐講毋使請恁多人，這下就伸兩、三個工人。」行落辦公室，阿玉滄一杯茶分阿蘭，佢指等



窗仔外个大路講：「阿姊！佢摺你講，阿雄摺阿亮仔開个工廠就在加油站該片，左手片幹落去差毋多五、六分鐘个路程，佢兜啱降低紙箱仔个價數，拉走當多客戶，阿豐去拜訪客戶，客戶出个價數當低，阿豐算算仔做無工錢就放忒去，有兜客戶異有情，摺佢說明後，訂單無走忒，這下客戶伸無幾多，生理緊來緊難做了！」阿蘭安慰阿玉講：「毋怕！佢兩儕个紙箱工廠正開始做，降低價數搶人个訂單，做無利存抑係做無信用，恁樣个生理當毋久啦！佢俚老老實實做頭路，做有信用，客戶自然會留下來。」

寮日，阿豐來阿蘭个店仔食朝，阿蘭問佢：

「阿豐！若工廠這下有幾多個工人？」

「請三個工人，阿玉自家做會計兼小工。」

「工廠生理仰仔？」

「有時打平過，有時會了兜仔錢。」

看著老弟个紙箱工廠無麼个生理，阿蘭想愛搵手紹介客戶分佢，毋過自家熟事个人無多，就隔壁鄰舍，買早餐个學生仔，還有過路个人客，佢打電話分外地食頭路个老弟老妹，喊大家搵手問有人愛買紙箱仔無。一禮拜過後，陸陸續續接著老弟老妹个電話，傳來个消息都係無問著人，係無就係問著个公司，既經有配合个紙箱工廠，無想換廠商。阿蘭想想仔，就在自家个店門口貼一大張廣告：「信一紙業公司——專製——客製紙箱、搬家紙箱、彩色紙盒、各式軋盒——工廠地址……電話……」賣早餐時節，見著人客就問：「頭家，愛買紙箱仔無？吾老弟有做紙箱仔，價數公當，服務又好，係有人愛買紙箱仔，拜託摺吾老弟搵手紹介啊！」

紙箱工廠个訂單緊來緊少，阿豐逐日就額結結仔，瘦到面劣劣，看著老弟失志个面容阿蘭心肝艱苦，以前喊佢工廠毋好頂分人，留下來自家做，到底著抑毋著？想著阿豐个困境心頭就亂操操！一日下晝，阿豐過來店項撥錢，阿蘭去銀行領三十萬分佢，佢摺阿豐講：「阿豐！這三十萬係佢囡等準備急用个私伽錢，你拿去轉環，毋好分若姊丈知，慢慢仔還毋使鬥緊，佢俚做生理啱，毋好緊想打卵就愛見黃，較辛苦兜仔，做生理有信用，總會出頭个日仔。」

年下，青菜大出，阿蘭去市場買百過斤菜頭轉來刷蘿蔔絲，蘿蔔絲有兜拿來晒，有兜



拿來打蘿蔔版，佢知阿豐從細就好食版仔，逐擺過年阿姆打蘿蔔版，版仔蒸好總係先切一細坭仔分大細過願，姊妹仔比比坐在門墩下食蘿蔔版，版仔个味緒一直都還記得。下晝蘿蔔版蒸好，阿蘭攞一料版仔過去分阿豐，阿豐去三重埔拜訪客戶正轉到屋，佢講阿玉去幼稚園接細人仔，等加一下仔正會轉。阿蘭摺蘿蔔版交分阿豐，交代佢煎版仔毋好恁大火，火忒猛會臭火喇，轉口愛問佢這駁仔有新客戶無，好恬恬看著門口貼一張符，阿蘭翻頭這看該看，發現廳下摺間門也貼等符誥，以前阿豐屋下無貼這兜符啊！佢胚想係毋係阿豐這駁仔生理毋順序，去廟項抽籤問卜求符來貼，佢指等門口个符講：

「阿豐，這恁多張符哪下仔貼个？佢記得若屋下無貼符啊！」

「該噢！該係在宮廟求个啦！」阿豐笑笑仔講。

「你去哪間宮廟求个？」

「就在老街該片，巷仔肚个天化宮。」阿豐躡起腳尾手指老街个方向。

「天化宮？」阿蘭怒忸一下，起一陣雞嫲皮，「該毋係神壇喲！你仰會去該位呢？」

「朋友講該隻宮廟當靈，香公仔會算命，紹介佢去，還有這兜神明加持過个佛珠、手鍊做得保平安。」阿豐摺手項戴等个佛珠、手鍊剝下來，拿分阿蘭看。

阿蘭拿等佛珠、手鍊環環轉看，試著佛珠、手鍊摺夜市攤仔賣个差毋多，翻過頭問阿豐：「香公仔送个係無？」

阿豐半尷不尬笑講，「無恁好哪！愛錢買哦！」佢拿轉阿蘭手項个佛珠、手鍊，緊戴緊講：「香公仔摺佢算命，佢講佢『犯小人』，還有一隻『劫』，愛改運做法事化解，生理正會好起來。」

「有影抑無影？」阿蘭半信半疑看等阿豐。

「法會一場三萬，這加持過个佛珠一萬、手鍊五千。」阿豐指等門口、廳下該幾張符講：「該兜符係香公仔送个，做得避邪保平安。」

「你限勢就無現金吔，仰有錢去改運，買這買該？」阿蘭个口氣無麼个歡喜。

「係阿玉賣金器个錢啦！」阿豐煞煞摺阿蘭解釋。

「唉哦！阿玉个嫁妝也敢拿去賣，著抑毋著？會堵著落仔無？敢有效？」

「前駁仔佢去拜喎，香公仔還介紹佢買塔位，佢講買塔位做得投資又做得做功德，佢講無錢了，等賺有錢正講。」阿豐笑講：「佢無恁慧哪！買該有个無个！」

「該隻香公仔有問題，毋好去了！」阿蘭決截个講。

「佢乜試著香公仔推銷塔位盡奇怪，這下無去了！」

阿蘭聽著阿豐去宮廟求神拜佛，戴鍊貼符，生理並無較好，賺著一息仔工錢就拿去做功德，佢知老街以前有一間神壇，阿豐講个宮廟係毋係就係該間？第二日，佢早餐賣忒撿拏了後，過去老街巷仔探看，六米闊个巷仔全係販仔屋，屋面前个細花園有人結圍牆，有人改做鐵屋仔，高高低低，花啦必駁，巷尾遠遠个所在有一埕黃底紅字个招牌，頂高寫等天化宮，佢行前去看，原來係神壇改建个宮廟，宮廟裡肚電火無異光，神桌放幾尊神像，擺幾盆花果，兩片个壁頂吊等一排一排个光明燈，香爐插一支大香，煙筒筒仔，隔壁个辦公室有一個頭鬚灰白个老伯，對面坐等兩個婦人家像在該問事樣仔，阿蘭看去看轉，試著這種宮廟看起來就無搭確，佢實在想毋解阿豐仰會來這位？

年過忒，正月半過，阿蘭公婆帶等大細轉老屋掛紙，下晝愛上新莊時節順路轉去外家看爺哀，阿姆看著佢轉來，就去後尾菜園割一大袋艾仔分佢，阿姆講：「今年雨水多，菜園个艾仔生當靚，清明會到了，這艾仔帶上去打兜仔艾板分阿豐，佢這下運勢較毋好，工廠無麼个生理，食兜艾板做得避邪保平安。」轉到新莊，阿蘭糴米打板，撻冬下晒燥个蘿蔔絲炒香做板心，蒸兩籠青里里个艾仔菜包，佢擲一籠菜包去分阿豐，一入門阿蘭注意著屋肚貼个符扯忒了，阿豐無戴佛珠乜無戴手鍊，佢試著奇怪，該兜東西仰會收起來，佢好奇个問：

「阿豐，若佛珠、手鍊還有門口貼个符呢？」

「化忒了！」

「仰仔？」阿蘭暗暗仔歡喜，笑笑仔講：「想通了係無？」

「無啦！這下去佛堂，無去宮廟。」

「麼个？佛堂？」阿蘭心肝噔跳一下，阿豐分人騙過一擺，無成還有第二擺？佢嘴頂

無講出來，心肚有兜仔疑狐，試試仔問講：「該毋係愛去唸經、食齋啲？」

「無恁嚴重啦！」阿豐笑笑仔應阿蘭，阿玉趕緊解釋講，「佢兜去个佛堂，毋使花錢，毋會推銷東西，乜無一定愛食齋，隨人个自由，奈日係有閒佢摺阿豐就去拜佛、聽道、唸經，該位道親當親切，感覺異好。」

「恁樣啲？該你兜愛細義，目珠擘較大兜仔，不裕不膝个宮廟、佛堂毋好去哦！」

「阿姊，佢知啦！」阿豐講。

轉秋，天時還熱燻燻仔，阿蘭早餐賣忒，拿等桌布在店項抹桌抹凳，好恬恬一個男人騎一臺機車停到店門口，全罩式安全帽脫啊忒，原來係阿豐，阿豐摺機車腳踏仔个紙箱拗起來，行入店肚放到四角桌項，阿蘭笑咪咪仔問佢：「阿豐，工廠恁無閒，仰有閒好過來？」阿豐在褲袋仔撈出手帕粹等頭那个汗水講，「這駁仔當無閒，逐日都愛加班，早晨客戶送五箱柚仔來工廠，佢拗一箱過來分阿姊。」阿蘭行去水槽洗桌布，翻轉頭笑講：「若客戶仰恁好！八月半會送柚仔分你，該你有送月餅分客戶無？」

「有啊！佢乜有買月餅送客戶。」阿豐講等像想著麼个樣仔企啊起來，行到機車該位打開車箱，摺出一盒月餅交分阿蘭，「阿姊！佢險險毋記得，這盒月餅愛送你。」

「還好喔！佢乜有月餅好分。」阿蘭笑弛弛仔摺月餅收起來，佢問阿豐：「你這下生理恁好，連奈日都愛加班，若客戶係麼人紹介分你？」

「麼人紹介噢？」阿豐一支手爪等頭那，想啊想仔，「欸——佢乜無麼个清楚，可能係恁樣啦！做紙箱仔係數量多啲，省工利存好；係數量少，就愛緊去算尺寸，調整機器，加上送貨分客戶，多工又無麼个利存。數量少个紙箱仔，略下仔个工廠無人愛做，這無人愛做佢就拈起來做，佢俚紙箱仔價數公當毋會批人，不管做多做少服務共樣恁好，客戶傳來傳去，生理就好起來了！」

毋多知仔，又係新个一年，阿蘭轉外家轉來，奈兩日就開工賣早餐，初六打早佢炒兩大鑊米粉，九點邊仔車仔停到門口摺米粉搬上車，廊下堵著个阿雪，阿雪著一身酒紅个洋裝，面搽粉嘴脣搽胭脂，歡頭笑面喊講：

「阿蘭姊，恭喜發財！」



「新年快樂！大家發財！」阿蘭滿面笑容，雙手扼等向阿雪拱手拜年。

「哇！炒兩鑊恁大鑊个米粉愛送去哪？」

「無啦！吾老弟个紙箱工廠今晡日開工，炒米粉過去分佢兜食點心。」

「舊年你正炒一細鑊仔定，今年仰炒恁多呢？」

「舊年吾老弟个工人三、四儕定，今年工人有十過個囉！人多愛準備較多兜仔，共下來去啊！來去分吾老弟請。」

「還好哦！生理恁好，代佢摻佢恭喜啊！聽講，若叔伯老弟阿亮仔摻人鬥股該間紙箱工廠愛頂分人係無？」

「舊年年下仔就有聽講了，唉！鬥股个生理就係恁樣，無同心斯異難哦！」

「係哪！愛像若老弟恁樣，篤實莫摻人計較，煞猛打拚就有春光日哪！」

「你恁會相惜啦，該佢來去哩啲！」

來到阿豐个紙箱工廠，一長串个紙炮仔擺在路脣，大門貼等紅紙「開工大吉」，門前還有歸桌个果子、糖果同金香，阿豐公婆同員工笑弛弛仔企在門口，阿蘭摻車仔慢慢仔駛過去停到脣項，員工七嘴八嘴笑講：「阿姊！有又香又Q个炒米粉無？大家在這等當久哩啲！」車門打啊開，阿蘭笑哈哈仔講：「來了，來了！又香又Q个炒米粉來了！大家新年快樂，開工大吉、大利、大發財！」

阿豐公婆帶等員工在門口敬天公，祈求天公庇佑工廠生理興隆，大家平安順序，拜好，一長串个紙炮仔打到砰砰滾，濛煙漫天。